

福建府縣志輯

中國地方志集成

民國順昌縣志
道光重纂光澤縣志
乾隆寧德縣志

中國地方志集成

福建府縣志輯⑪

民國順昌縣志

道光重纂光澤縣志

乾隆寧德縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成. 福建府縣志輯. 11, 民國順昌縣志、
道光重纂光澤縣志、乾隆寧德縣志 / 上海書店出版社編.
上海: 上海書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-順昌縣③地方志-福建-光澤縣④地方志-福建-寧
德縣 IV. K29

中國版本圖書館 CIP 數據核字 (2000) 第 27760 號

重修順昌縣志序

甚矣事之興廢有待于時尤有待于人也順志自遠清道咸以來順修凡三次而皆未果民國成立設局定編分纂歷五寒暑而又中輟今民政廳廳長邑紳高公少航以乙亥倡修迄丙子仲春入閏月而書成凡所徵采必詳且要視舊志約倍增焉予以丙子十月奉 命蒞茲土平日嘗建朱晦翁蒞官之地必先修志之言實齋州縣宜立志科之議時事使德方愧未能躬踐今竟坐觀厥成斯不獨爲斯邑文獻慶其有徵更願資爲治鑑與後之君子互有觀感益果于情時趨事也然則是書之成所關抑豈渺哉是爲序

權縣長事長樂李世康謹識

順昌縣志

重修順昌縣志序

國之有史邑之有志由來久矣讀國史而詳時代之盛衰覽邑乘而知風俗之文野其義一也順邑古揚州地設縣始於後唐與章文物紀載邑乘彰彰可考唯自前清道光十二年修訂之後迄今近百年矣其間屢議重修均未著手祇從舊本翻印而已民國成立省設通志局檄各屬修纂邑志順昌由邑紳 高魚門先生任總纂迨 魚門先生作古而吳杏南廖省吾先生繼之均未告厥事先後逝世 先生於民國二十二年冬權攝順篆冀覘文化搜索舊志竟不可得正與邑紳陳席珍先生教育會吳幹事如淵教育科葉科長界閭倡議興修適葉科長界閭承 高少航廳長之命在省聘訂總纂所有近年來地方治亂事狀及節義姓氏應重加採訪回順商訂於余余曰噫邑志之議修迄今垂二十年卒因人事之變遷未能竣事今 少航廳長繼 魚門先生之志慨任仔肩余忝膺茲土敢不

順昌縣志

負責遂與教育會吳幹事商聘各區採訪人員重探事實並捐俸爲倡用備黎暈之資越入閏月全書告成竊慰私衷因爲之序

權縣長事合肥潘先龍

重修順昌縣志序

順志失修已百有餘載矣昔先君子嘗集鄉前輩倡議續修卒以兵燹之後財殫力竭僅覓原本鏤板以待即今所存道光壬辰舊志是也民國初年大府有重修福建通志之舉維時吾邑亦曾設局推先兄魚門爲總纂事幾成矣不幸先兄棄世因又中輟稿亦隨毀於寇去夏余忝縮閩省民政方召集各縣志書以資考鏡顧本邑自道咸以後百有餘年間典章制度輿草損益紀載闕如於心殊耿耿因就省敦聘劉龍生先生專任編纂並由邑侯潘君先龍遴選在邑諸紳分任採訪自乙亥孟秋迄丙子仲春入閱月全書告成余受而讀之繹其義例蓋區分圖志表傳四體卽土地人民政事三大部而別爲二十有二門門各繫若干目將舊志所缺者補之繁者刪之訛誤者訂正之湮沒者表章之關於本邑文獻尤孜孜搜載靡遺以視舊本約增一倍之多是向之議修惟恐無成者今

順昌縣志

序

竟有成矣抑吾嘗聞子朱子之言蒞官之地必先修志是修志邑侯事也倘闕而弗備民情風土先無所考徵卽欲興利除弊恐措施亦不能悉當乃今之司牧者既勞於簿書錢穀之繁復顧及征權考成之重而又還調靡常久任者鮮視官幾同傳舍自無暇議及紀載之替此固事勢所無如何者也夫方志爲國史要刪設歷久不修文獻無徵卽無以供史官之採擇所繫豈獨在一邑之大必思有法以處此善夫章實齋之議曰州縣之志不可取辨於一時平日當於諸典史中特立志科僉與吏之稍明於文法者以充其選而且立爲成法俾如法以紀載略如奏牘之公式焉則無妄作聰明之弊矣積數十年之久則訪能文學而通史裁者錄削以爲成書所謂待其人而後行也如是又積而又修之於事不勞而功效已爲文史之備所不能及所謂政法亦存三代文章之遺制也設良有司做其法而行之何至始則因繁難而自阻終則致久遠而其稽遂使方志一書竟

視爲可有可無之數豈非大痛心之故也哉茲特表而出之以質當世關心民瘼之君子

中華民國二十五年丙子春二月邑人高登艇謹序

順昌縣志

序

二

重修順昌縣志序

余杜門謝客不問世事久矣乙亥孟秋今 省府長民政高君少航忽以書來聘修順昌縣志既又枉駕敦促且曰斯事繁重非余莫屬余以高君尊甫西航先生曾入福建通志孝義傳述其生平見義勇爲每遇邑有善舉輒肩任不倦惟恐後人今高君縮民政百爲待理日昃不遑猶能繼承先志深以邑志不修爲憾因不欲固辭竊維方志爲國史要刪凡土地人民政事珥簪所及動關典要倘疎而弗備冗而弗精誕而弗信奚所取裁順志失修已百有餘載且經咸豐戊午髮逆屠城典籍散失文獻無徵即所存道光舊志體例不一亦書缺有閒病不能詳夫順昌介西江東廣之衝爲延屬望邑山川秀麗篤生高峯嵯嶺兩先生前後羽翼龜山紫陽振興儒教元明以降亦代不乏人若任其湮沒不彰何足表前徽而勵後起余既承乏茲役不惜竭炳燭餘光旁搜載籍凡有關文獻者悉錄出以資

順昌縣志

序

採輯即零文隻字足爲佐證者亦吉光片羽視之至晚近興革損益則根據邑紳採訪所錄依序編入約入閱月成書二十有八卷雖不敢謂無遺無濫然於徵典貴真錄事實之意未嘗不兢兢焉慨順志自道咸以後庚辰辛巳癸未凡三次饑修而卒不果鼎革後且局宇宏開矣總分纂亦羅致有人矣乃五易寒暑復以時局倥傯人事變遷稿未脫而中輟蓋若斯之難也今余以衰朽之年幸得嚴事或亦冥冥中不欲使一邑之典章文物歷久廢墜宰斯土者無所考鏡以取法生斯土者無所觀感而興起一髮千鈞之繫有以默相之不至終於無傳也然則後之人當思成事之不易及時而續修無負高君提倡之盛意尤不佞所厚望也夫

中華民國二十五年丙子仲春古閩劉敬撰時年七十有二

是書成首捐俸任刊版者 縣長潘君先龍也任採訪者邑紳黃君

陳福吳君鳳翹虞君永貴蔡君偉均張君與祿高君金龍陳君克厚徐君建侯王君世模也總其事者吳君爵深也始愆惠者葉君樹榕吳君聯棟也亦皆邑紳也又識

順昌縣志

序

二

此次重修邑志於廿四年冬全部竣稿中因手民展轉誤時閱兩寒暑始印成帙又邑志修自清道光十三年歷百有餘載光緒中葉雖重付梨而一仍其舊閱時既久更變尤多致今之任採訪者感文獻之難徵慮闕遺之不免補綴之責宜俟將來抑更有言者廿五年夏 大府劉建猷之上洋區改隸吾邑設一特種區因修纂已成未及增編僅于輿圖中加入以待後之作者併識于此志憾事亦備忘也

邑人高登艇跋

順昌縣志

跋

順昌縣志凡例

順昌縣志重修於清道光壬辰迄今百有餘年其間經迭次議修皆未果而所存道光舊志又多前後混淆闕而弗備茲編另立體例更搜羅載籍摭摭舊聞全書計分二十有二門爲目百四十有一

順昌改縣政淳熙三山志係後唐長興四年舊志疆域沿革表誤入唐格又攷入閩通志以縣境橋小割劍浦之交溪鄉以益之條宋熙寧三年沿革表又誤入元格今併改正

志書莫重於圖說蓋圖以說詳說以圖顯互著之義也舊志僅照古式繪圖並無里數可考未免簡略今依民國十七年實測福建省全圖參以教育部審定中華最新形勢圖準經緯度開方計里詳繪一圖加以說明以便觀覽其餘各圖併附於後

舊志 聖廟不入祠祀入學校意在尊崇 先師當也竊謂際茲 聖教

順昌縣志

凡例

陵夷禮樂廢墜之日凡屬典章制度尤應誌載加詳以資觀感茲編於臚列從祀諸賢之外並及歷代崇祀本末義各有取李元仲甯化志已開於先非創例也

表之爲體縱橫以分經緯蓋有同經緯參差不齊非尋常行墨所能清晰者必藉表以明之上自史漢下逮方志無不皆然舊志職官選舉既有題名殊非古法茲編皆改作表悉按年代比類而書其無年代可考者仍依序列名以便省覽惟中有子目簡單無煩藉表以明者則從舊志題名於後

凡官斯土有政績可徵者謂之名宦舊志竟將入祀名宦祠之清總督范承謨巡撫李斯義提學沈涵布政金培生分巡延建邵道黃道行五人與本邑職官錢嘉倫並入名宦傳殊失體裁今依乾隆府志舊例將范承謨等五人謹載於本志名宦祠中用識不忘名宦傳則專載本邑職

官以免主客相混又宋吳遵係本邑職官舊志名宦有傳而職官又無名今併補入

名宦有傳即因其有政績而傳之也舊志於名宦之外復增宦蹟一目於義無取今刪去統稱名宦以免複雜

凡志選舉最重年代科分按舊志宋代選舉自丁巳至壬午係紹興皆誤作乾道自戊子至辛卯係乾道又誤作淳熙府志不察亦以誤傳誤今悉依紀元編改正又致明羅環重建儒學記云順昌在宋祥符乾道間由鄉薦者百二十有九人今按舊志選舉所列自靖康丙午迄乾道辛卯宋鄉舉僅九十七人靖康以上尙有三十二人府縣志均缺不載茲得補列者二十有五人惟無科分可考餘七人無從補列應俟續考

一代設官取士典章所繫考究不厭求詳舊志於職官僅載官名不及官制於選舉又略前代祇詳本朝未免美猶有憾茲編則依高氏志例於

順昌縣志

凡例

二

遺者增之缺者補之俾源流沿革展卷瞭然誰謂通制無關一邑可置不問也

舊志人物祇有列傳並未分門意在慎重惟考之省志府志順邑人物有數百年前已入儒林文苑忠烈孝義循吏各門專傳者後之從事重修

若仍統歸列傳於義何取茲編於省府志已有專傳者則依類分之府志而舊志今依省志合併為一併為一類其無專傳及新增按其事實不得遽

分者統歸列傳庶於慎重之中寓鑒別之意至舊志以人物標目亦非

古義歸諸通志何嘗今則刪去概稱列傳亦遠違史法近依志例非好為

紛更也

舊志將古蹟名勝祥異宅墓統歸拾遺志殊嫌未當祥異亦大事不得為

拾遺即古蹟名勝宅墓彰彰在人耳目亦不應為拾遺今將祥異附兵事志古蹟列名勝志宅墓附焉例應如此非故異也

舊志又將祠廟寺觀隱逸方技儒術仙釋並列於方外志亦嫌不倫攷方

外二字本於莊子今謂僧道曰方外仙釋或近之與隱逸方技無涉與

祠廟寺觀更無涉今將隱逸方技入列傳儒術附焉祠廟附祠祀志寺

觀列名勝志以類相從亦非故異也

國之大事在祀與戎局頒志例兵事稱大事固也然祠祀又另志義亦未

安順昌自咸同以來迭受匪禍皆武備不修所致征撫更不足言茲編

亦不從舊志稱武備志直稱兵事志以祥異附之

班史藝文志僅載篇目近代志書多類輯詩文記序直如文選殊非志體

今依章氏志例將原有詩文及新搜集者分附於各門本志本人之下

無可附者不忍割棄另編文徵附於志後於藝文志獨存書目加以提

要更於舊志所遺者補之所無者增之庶文選志乘義例各別免貽燕

雜之譏

順昌縣志

凡例

三

舊志每門必冠小序然分門別類義取大同無須複述故選刪不用其別

有說者則於卷末加按語或子目下以小字注明之近代嘉興縣志闕

侯縣志已有先例今從之

舊志徵引簡籍均不載書名殊失徵引貴真錄事實之意今依舊志例

悉注書名於下中有本於舊志無從考出書名者但注舊志二字其由

採訪所得者則直書據採訪冊以免相混

前志紀載頗費搜尋檢對之力茲將舊志卷帙目錄作者姓氏錄入藝文

志又將全書子目並歷來重修重刊之舊序統附卷末庶使閱者知淵

源有自亦以寓表揚之意云爾

順志失修已久其間又迭遭兵燹名人載籍散失殆盡殊有文獻無徵之

憾茲始從事編輯實較他邑為難况期間既迫採訪又不能詳恐難免

遺佚補缺訂訛應俟後之君子

志書版式全書頂格意取古雅今依通行志書版式每項第二行均低一格但取便於編閱醒目意各有在閱者諒之

順昌縣志

凡例

四

順昌縣志目錄

卷首

圖說

方城圖 縣治圖 學校圖 文廟圖 武廟圖

卷一

方域志

沿革 疆界 歷代疆域沿革表 形勢 星野 經緯度 氣候 太陽出入時刻表

卷二

山川志

山 峯 潭 溪 湖 池 泉 石 谷 湖

卷三

城市志

城池 坊巷 街市 墟 鄉都圖附

卷四

名勝志

古蹟 名區 寺 菴 宅 墓

卷五

順昌縣志

目錄

一

水利志

陂 渠 井 橋 渡

卷六

物產志

穀類 蔬類 果類 木類 竹類 花類 草類 畜類 毛類 羽類 鱗類 介類 蟲類 貨類

卷七

戶口志

明戶口數 清戶口數 民國戶口數 耆壽附

卷八

賦稅志

明賦稅 清賦稅 經費 鹽政 民國田賦 雜稅 十三生附

卷九

惠政志

倉儲 義賑 普濟堂 養濟院 惠民藥局 育嬰堂 歷代捐賑

卷十

建設志

衙署 公所 驛站 郵電 坊表

卷十一

學校志

儒學 文廟 歷代崇祀紀要 籌其禮 釋菜禮
學田 書院 社學 射圃 新學校一覽表

卷十二

祠祀志

祭祀 義祠附

卷十三

禮俗志

風尚 歲時 近年習尚 冠婚喪葬祭

卷十四

兵事志

歷代兵制 關隘 歷代兵事 祥異附

卷十五

職官表

明以前職官表 明職官表 清職官表
清武職官表 民國職官表 民國駐防軍
隊 警備隊 附教育會商會農會工會各會
長 郵政局長

卷十六

順昌縣志

目錄

二

名宦傳

卷十七

選舉表

歷代選舉表 歷代薦辟 清孝廉方正 清諸
局議員 民國衆議院省議會議員 各學校畢
業生 歷代封贈 歷代廕襲 明午榜清
續軍功 職銜 民國褒揚牌敘 援例附

卷十八

列傳

卷十九

列傳

忠烈 名臣 儒林 文苑 循吏

卷二十

列傳

孝義 隱逸 藝術 方外 僑寓

卷二十一

列女

貞烈

卷二十二

列女 節孝

卷二十三

藝文志

卷二十四

雜錄

舊序 舊志子目並纂修姓氏


後附文徵四卷

順昌縣志

目錄


三

順昌縣方域圖




按方域與圖多以前之既無經緯度又不開方計里雖雖簡略近
人新志雖求改良然僅據坊間舊圖摹仿指畫附於卷首似亦不便者
覽茲圖則依據清季年測重局所繪舊圖全圖分縣與圖繪小並參
以民國十七年實測繪建省全圖及教育調查中繪最新形勢圖準
經按度開方計里度使繪圖各法畢備一縣之形勢一覽了然惟度於
萬權村鎮概無標註路線不能詳欲求開明自應從軍閱者鑒之

順昌縣政府平面圖




順昌縣第一區縣立興文小學校平面圖




附註
 一 全校面積三畝五分
 二 校舍係原有華陽書院修改
 三 用一樓所圍之處係校場未修
 四 符號係指洋式教室兩座一座二層者為民國六年
 基建一座一層者為民國二年改建同於民國二十二年
 九月間被軍匪駐防焚燬

文廟平面圖



五代殿連坪面積一畝四分
 孔廟面積三六二畝

宗廟平面圖



全廟面積二畝一分

順昌縣志卷一

方城

沿革

順昌縣本漢建安縣地唐貞觀三年以將樂東南兩鄉置將水場三年置將水場乃割將樂東南二鄉并割建安東南二鄉開嗣聖四年分南鄉將中治草表考證建寧志沿革表作建安二鄉誤

水口為獨科鎮武后垂拱三年景福二年改為將水鎮尋改永順場建州後唐長興四年王延鈞僭號改元龍唐升福州為長樂府領縣十四是歲以建州永順場為順昌縣後晉開運二年王延政復析出順昌改隸劍州即延平府宋熙寧三年以縣境編小割劍浦縣交溪鄉以益之元清仍舊民

國因之八閩通志詳熙三山志太平

按舊志云順昌晉稱漢乾祐元年南唐始置為縣何氏閩書云南唐以永昌場置一云保大六年置順昌縣於建州永昌場按十國春秋

順昌縣志

卷一 方城

閩永隆二年王延政取永平順昌二城是順昌之名似不自南唐始致宋白續通典云唐景福二年置將水鎮改永順場尋立為順昌縣似應以宋白續通典為據是舊志亦不主順昌由南唐始置也惟攷淳熙三山志稱後唐長興四年王延鈞僭號始改永順為順昌縣並不與置永順場同時是順昌之名不始於南唐亦不始於唐乃始於後唐閩中沿革表謂當以三山志為定今從之

疆界

順昌縣在省治西北依民國十七年福建省全圖實測東西廣七十八里南北縱一百零二里舊志作廣九十里袤七十里

從縣治東至南平縣一百二十里以三連鋪三十里為界

從縣治西至邵武縣一百八十里以富屯六十里為界

從縣治南至將樂縣一百里以軍杉鋪三十五里為界

從縣治北至建陽縣二百六十里以角岩一百四十里為界

從縣治西南至將樂縣一百里以扶延山六十里為界

從縣治東北至建陽縣二百六十里以桐墩一百三十里為界

從縣治東南至沙縣一百里以山墟五十里為界

從縣治西北至甌甯一百五十里以東源六十里為界以上參

按東源在縣治東北甌甯同府縣志均稱西北似誤

順昌縣志

卷一 方城

唐	五代	宋	元	明	清
唐	五代	宋	元	明	清
秦	漢	三國	晉	宋	齊
梁	陳	隋	唐	五代	宋
元	明	清	民國	現代	未來

[illegible]

卷一

[illegible]

順昌奧區墳衍當江廣汀邵之衝邑志稱華陽爲祖山遡其原則遠自建

甯府國巖山抽幹起伏頓挫而歷梁溪過丁坑明狀頭丁顯里居梅岐紆迴六十里至邑之崧溪都九龍山盤結團聚嵯峨列峙蜿蜒若龍巖有菴曰九龍菴是爲邑太祖山自是穿田於潦濱度峽於東源由崎龍至謝坑若弛重患踵者乃復暨脊挺步至仙源都華陽山三峯森列疊翠千尋是有仙壇丹竈爲山之少祖旋斷續起伏騰躍十許里爲多角峯實爲縣山之少宗自此走雙髻峯逆水而上十餘里至縣北入城而作邑水則西源邵武東源將樂合流入十里會沙縣而注劍溪延屬勝區也

舊志府志王杰書志唐

卷一

方城

四

星野

舊志云順昌延屬邑延爲古閩越地歷代星書皆以斗牛爲吳越揚州之分野晉志州郡躔次各言所入度獨於閩越不言閩越與會稽同度則閩越之占固在斗一度也閩於揚爲十之一順於閩又百之一安得星次所屬之處况西儒之言曰古今經緯黃黑皆差或至於前後易次故星紀古爲丑宮今則進居於子位古人歲差宮與星未嘗易也西法中氣過宮恆星有歲進之差宮無定宿宿則遷居各宮所以能較舊法尤見縝密然大地不過衆星之一以遠鏡窺測天象行星之躔既不僅五恆星之宿又何止二十有人悟此則星野之說窮近人論此頗詳第在天成象在地成形攝土微區莫不與天之精氣相屬則亦撫拾舊說以存其梗概耳

經緯度

順昌經緯度據民國十七年實測福建省全圖參之教育部審定中華最

順昌縣志

卷一

方域

五

新形勢圖縣治當在東經一百十七度五十七分北緯二十六度四十九分

氣候

順昌之氣候與南平相似據延平舊志云昔人輒謂恆燠少寒究非定論隆冬有雪重裘可御則燠中有寒也然有濃霜而草木或萎或不萎有厚雪而破塘有冰有不冰則寒中有燠也驗之花卉梅開不必在臘月桃開不必在仲春所謂二十四番花信風幾不可憑至云四時常近夏一雨便成秋此閩粵大概之氣候非延屬之氣候也昨日祈禱今日雨太空亦苦難調停此延屬古時之氣候非今日之氣候也蓋天地氤氲氣化推遷不可以繩尺測如必刻舟求劍未見其有當也

附氣候占驗

順昌縣志 卷一 方域 六
農家占驗或有可憑近南平志亦附載今錄之以備參

正月元旦宜陰天逢霜是旱年立春晴一日農夫不用力若要禾豐熟但看年頭三個六

二月驚蟄雷鳴米穀春分有雨病稀雨打驚蟄節下雨不得歇

順昌縣志

卷一

方域

六

三月初一逢風雨瘟疫萬人愁清明南風至清明大有秋清明要明穀雨要雨穀雨在月中斗種三擔豐穀雨在月頭斗種收三頭穀雨在月尾禾苗不結尾

四月立夏東風病少初入清明菓多十三十四十五無風無雨數穀小滿又宜下雨酷暑無憂旱禾甲子庚辰雷震連綿爲災奈何四月十四禾生日下雨綿綿穀須積小滿不滿芒種不管

五月端陽有雨是豐年芒種聞雷美亦然夏至風從西北起瓜蔬園內受熱煎有雨三伏不炎炎喫了五月棕蓑衣方可送

六月若遇初三兩七十二風時六月熱如火人畜田禾好小暑大暑晴人畜自安甯三伏甚酷熱田禾多不結秋收正堪虞三冬多雨雪

七月立秋須雨雪其穀不熟蟲鼠滿田匪處暑必須晴結實自盈盈八月白露晴涼禾黍稔穰秋分雲多絕好晚禾雷蟲電閃米價高寒八月

大業長價

九月初一若飛霜人民產業傷重陽寒露節無雨冬晴光霜降月如火人
人多病殃更遇雷聲震桑葉難當不怕重陽雨只怕重陽風重陽若
刮風明年歲不豐九月二十晴柴炭滿街迎
十月立冬怕逢壬高田枉費心更逢壬子日災害損人民小雪須微雨不
早祝昇平
十一月初一西風盜賊多更兼大雪有妖魔冬至天陰無日色來年定唱
太平歌冬至在月中無雷亦有風
十二月初一東風六畜羣空若逢大雪來年水竭得晴一日耕田省力大
寒小寒霜雪堆巖來年田野出水洋洋
四個甲子晴天下大太平春丙陽陽無水下秧夏丙洋洋旱煞禾娘秋丙
陽陽乾晒一倉冬丙陽陽無雪無霜

順昌縣志

卷一 方域

七

順昌縣二十四節氣太陽出入時刻表

北緯二十六度四十九分推算

節氣	日	出	入	節氣	日	出	入
立春	六	五	五	立秋	五	五	五
雨水	六	五	五	處暑	五	五	五
驚蟄	六	五	五	白露	五	五	五
春分	六	五	五	秋分	五	五	五
清明	五	五	五	寒露	六	五	五
穀雨	五	五	五	霜降	六	五	五
立夏	五	五	五	立冬	六	五	五
小滿	五	五	五	小雪	六	五	五
芒種	五	五	五	大雪	六	五	五
夏至	五	五	五	冬至	六	五	五
小暑	五	五	五	小寒	六	五	五
大暑	五	五	五	大寒	六	五	五

右表係按照西法就民國二十四年分節氣日推算以後
逐年相差不過在秒數之內分以上無異也較之中法祇
用地支似更準確

順昌縣志

卷一

八